

FAJUUMENUMI SIDRUWAAS SATI ANAU

WANDOMI :

Yineni aat mati fapaaf fati anau di sidruwaas soola, san umaje sirere di saasu ban poop sisofut di uceen soo silakom fujuumaf fati di malegenam, di kairaay di dúniaay búrom ;

Yineni jaat anau nasonsonɔ̃ mati kòmanjaataak di eñoosey sidruwaas sati anau soo siɲarulomi mòkojiam, ban malegen munkul mujawulojaw di dúniaay man Anoosan muɲooleɲpoolen usanken man súumimi nusof man súumimi, nupak di mòkooleniam di bugaalab ;

Yineni jaat mati sensen man aakemmi mofam apooy sidruwaas sati anau, takumgarul anau tuuñool eri manakaan wajakut ;

Yineni jaat mati kòliɲen bapaalaay bati sísukas jajak;

Yineni jaat di kabaatak kati dúniaay búrom, bukanak kulanlaañ kúyiisen mankusofumi sidruwaas sati anau di fapaaf fati anau di malegenaam mati anan di kare' enak búrom aniine di aseek ban poop kujunjuum burok man mati anau mujaw fòculey;

Yineni jaat mati sísukas sòndomi soo di "Organisation des Nations Unies" sijunjuum ejuum yati sidruwaas sati anau di dúniaay búrom sikaani.

Yineni jaat mati sidruwaas sati anau kankaan waaf wóamak wóriiɲe ejuum man wasankeniña ukaani.

Asambule Seneraal

Esosof mati furimaf ufe fujuumenumi sidruwaas sati anau kankaamn waaf wajaké móamak bee bukanak búrom di sísukas búrom. Moo kaane jajak man bukanak di síkafaas kujuum mankuligenufo di kúyiisenufo kuñiilak natimkaraj mukaanaam moomu búrom eñesey maapi kaanimi man dúniaay búrom éyinen di ekaan siluwaas soosu nen mansiregumi eeno.

Fujuum 1

Bukanak búrom nan kuwolimi kurere kererer di waafaw búrom. Kubabaj poop búyejet di karampenoor.

Fujuum 2

Anoosan nababaj sidruwaas soosu búrom; bajut aseek bajut éniine, bajut an ati kansanken kúbúto, bajut an ati kapongol kúbuto, bajut paarti ébuto, bajut an abaji di muceen benen bajut ró kópajul kuceen kati pólitik kati luwa mba kati ésuk, yabaje fapaaf fooliyo mba ebajut.

Fujuum 3

Anoosan nababaj druwa ebaj fuyiifaf foola, ebaj kapooy kati fapaaf fool a di kaano nen man amajumi eeno.

Fujuum 4

An letalako amiikeel ati akeen, letarok bee akeen; ban poop miikeliyaay di kanoomen kati kumiikeel firenifiren.

Fujuum 5

Bajut katoorandiɲ an; an létassuutukeni.

Fujuum 6

Anoosan oomu di druwaay yoola banooban ban ammi.

Fujuum 7

Luwaay ere'en re'en bukanak búrom anoosan nababaj kapooyak kókonak kati luwaay. Anoosan nababaj kapooy mba mukaanaay mólse furimaf ufe.

Fujuum 8

Anoosan nuɲooleɲpoolen ulamandi furim mba mukaanaay mólse sidruwaas soosuña san umanjumi luwaay eseneso.

Fujuum 9

An letuɲpoolen ulaaf an manusofool, nukulool mba nukesoorool.

Fujuum 10

Anoosan nubabaj druwa kóyiisen di bantabaay wabajimi tiribinaal yan umanje elaañut di anoosani yooyu eje'em bee efeley.

Fujuum 11

Luwaay yoone an anoosan kurege oo akaane mótaaɲiye kulaafoolaaf bee funakaf fati kíitiyey yiiseni jaat wakaanumi mankoone akila akaane oo babajerab kujuumak koola. An leekukulool mati waaf wan umanje nan ukaanumi ulakout wótaaɲiye di luwaay di poop an letakaanool saariyoɲ yawuuje yawarin ekaani.

Fujuum 12

An uwarut unoken di mukaanaam mati an, sindaay yati an, mba tan tati an mba nuyenten fapaaf foola mba nukajen kajamaak koola. Luwaay epoopooy anau di waafaw búrom.

Fujuum 13

An anoosan nababaj druwa ejaw ban súumoomi di ekin ban súumoomi di ésukey yoola.

Anoosan nababaj druwa épur mof haani moola di elaañul nan súumool.

Fujuum 14

Nan tóañimi anoosan nuɲoolene ujaw úgongoto do mof múbuto.

Letuɲpoolen ubaj kógongoto kukila lako jaat nububuj an.

Fujuum 15

Anoosan nubabaj druwa ebaj mof miya.

An letuɲpoolen ófiren an méé ebaj mof moola mba épur di moo.

Fujuum 16

Akambaani di ajaɲa kóriiɲe búyebo Kuɲooleɲpoolen kuyaboar mankubaj kuñiil bópapuloorut sisiw mba sísek mba buɲarab. Kurere di kayaboarak di búyebaab di ebaney yoolibo. Búyebaab mambukaan, kuyabooraak kujamoor.

Bukanak kakinum di kaakemmi mofam kuwawar kupooy fiilaf falakomi fufaaraf fati kalakaak.

Fujuum 17

Anoosan, nababaj druwa ebaj waaf woola fúko'ol mba wan kunampoore di kupaalool.

An letuɲpoolen ubot fubaj fati ata fo di méé.

Fujuum 18

Anoosan wuniwun, manubaj kawonoor kiiya, ejuk yiya di buɲar biiya, súumi jaat nuɲoolene úruuɲ mba núje'etum buɲarab biiya tíyaɲaraay nen man buccegum eeno.

Fujuum 19

Anoosan nababaj druwa, ebaj kawonoor kiiya di kóyiisen ko nen manumagumi eeno. Yoo elakomi an awarut ajaakali ebaj siwonoor soola. Nagoolegoolen ayab kurim mba siwonoor san agoolene afasiken dóo ésukool mba tiyaṅ.

Fujuum 20

Druwaas ewuwun anoosani manajuumen kómit mba kófa yati kósuumaay.

An letugoolen unoken an di kófa yanamagut.

Fujuum 21

Anoosan nugoolegoolen ulako di fujuum fati mukaanaam mati mofam miiya mba nubaj kan úfojule kaje’e beet ejuumi.

Anoosan nugoolegoolen ubaj fujuum di mukaanaam mati mofam miiya.

Kamagjak kati bukanak koo kukiimi sembaay yati kaakemmi mofam. Kamagjak kukila woteey éyiisenemi ko. Moo kaane woteey ekila ewawar ebaj waati di waati.

Fujuum 22

Anoosan tan ukinumi sensen manubajuto kayeraay yoola. Kayeraay yooyuṅa éjowumulojowum di sidruwaas sati fubajaf di sati tan akinumi di sati mukaanaam moola. Kayeraay yooyu an agoolent óbajaatiyo; moo kaane ésukoo ésuk enampoonampoor di sísuk saasu man kayeraay yooyu ekila ebajo.

Fujuum 23

Anoosan nababaj druwa ebaj burok bósuumoo.

Bajut aseek bajut óniine anoosan aroke burok nababaj druwa mankucaamool bacaam bare’e nan burokab banakaanumi.

Anoosan ammi di burok kuwawar kucaamool yaj managoolen acookoor síndaay yoola, nagoolen abaj kayere di fagaaf foola.

Anoosan nababaj druwa kajuumen fujum fati kurokaak, nagoolegoolen en poop ónokendo mankumak aajaay.

Fujuum 24

Anoosan nababaj druwa ebaj kunak kati kayoolo, kati fúraar. Waatay yati burokab ewawar erewoor ban di ebaj waati yati kayoolo ban pankucaam bukanak.

Fujuum 25

Anoosan nababaj druwa wókoyume bee akila, bukanak koola, furiaf waṅaw di tan akinumi wawar jak. An mósuumaati mubaje nen kósumut nen an ataool ójime mba an eluupool efumoe. Bukanak kuwawar kurampenool.

Mudeenanaam di kuñiilak kuwawar kubaj kókaanum di karampen kóamak. Kuñiilak búrom “Kabaji di kayaboore mba kayaboort” kure’e. Koo búrom kuwawar kubaj kacookoor kajake.

Fujuum 26

Anoosan nababaj druwa kakaraṅ an awarut acaam kakaraṅ. Añiil nawawar akaraṅ bacaamut waafowaaf kakaraṅ kati siteginikas di kati burok kuwawar kúkambuli di bukanak búrom. Silekoolas sóamakas poop bajut kófajul.

Nafaay yati kakaraṅak yoo eenom majakaam mati anau di fagaaf foola. Kakaraṅ kujunjuum fujuum fati epooy sidruwaas sati anau; yoo yókoney ebenenbenen bapaalaab di mof majuupoe di tutooraay yati mof majuupoe di sisiw sajuupoe di bukan kanaamut di ugar di wanoosan wakaanimi man kayeraay elako di dúniaay.

Kubajaak kati kuñiilak koo koote kanoken kuñooliil di kakaraṅ kan koo kumangumi.

Fujuum 27

Anoosan nababaj druwa ekaan mukaanaam mati bukanool, nañes mammujaw fòcul mammunafaool.

Anoosan ajoonene waaf mba naciik waaf, luwaay ewawar eppooyuwu.

Fujuum 28

Anoosan nababaj druwa man majoone mulako di mofool di dúniaay maje’e bee ekaan man siluwaas sammi di kaytak uke sigoolen sirok jak.

Fujuum 29

Anoosan nawawar anafa kan kukinoorumi, bukoo keb kuṅoolene kurampenool man moola mujaw fòcul.

Man kakinoorak kúsuum, babaj luwa yajuumeni mati mati manemat sidruwaas soola di mukaanaam mati bukanak an anoosani sidruwaas soola di majakaam moola murelore tan maamu mati aamu mutoogumi.

Sidruwaas di siluwaas san ujukulaaña siwarut sípur di wan sísukas sati “Nations Unies” sisofumi.

Fujuum 30

Waaf úleero di kayitak uke wan umanje an mba bukan mba mof muṅooolegoolen mújowum to mammukajen sidruwaas di siluwaas sóndomi kayitak asambule seneraal yati óni éyinenyinenuko eban di épurenuko di burokab booliyo n° 217 (III) bati fuleegafu fati desambuur nan fubajumi kunak uñen di emitey 1948.